

S. D. N.

# D. CLEMENTIS

## DIVINA PROVIDENTIA

### PAPAE VIII

### Prohibitio

Operum Damnatæ memoriæ, Caroli Molinei, cum reuocatione licentiarum illa legendi, & retinendi quibuscunq; personis hætenus concessarum, & inhibitione, ne eadem licentiæ cuiquam de cetero concedantur.



---

ROMÆ,  
Ex Typographia Reuerendæ Cameræ Apostolicæ.  
M. D C. II.

S. P. M.

# D. CLEMENTIS

DIVINA PROVIDENTIA

PAPAE VII

Prohibens

Quoniam D. Clementis Pontificis, Gregorius XVI. Pontifex Romanus, in  
Constitutione huiusmodi, de rebus, quae ad usum publicum pertinent,  
hanc concessit, ut in omnibus, quae ad usum publicum pertinent,  
omnes, qui in rebus, quae ad usum publicum pertinent, non possint



ROMAE

In Typographia Regia, sub aedificatione, anno 1791.

M. D. C. LXXI.

# CLEMENS. PAPA. VIII

AD. PERPETVAM. REI. MEMORIAM



Postolicæ Sedis auctoritati maximè conuenit, & ad nostrum pertinet officium, accuratè prospicere, nè impiorum hominum libris, ac monumentis, fidelium mentes seducantur, aut quouis modo à via veritatis auocentur. Nos itaq; considerantes damnatæ memoriæ Caroli Molinei scripta & commentaria doctrinam perniciosam, & Catholicæ fidei contrariam continere, & ideo huius impij & hæretici hominis in prima classe descripti opera omnia in Indice librorum prohibitorū, tam per nostros Prædecessores Romanos Pontifices quàm etiam per nos nuper edito, expressè ac nominatim sub censuris & pœnis in eo contentis prohibita, & interdicta fuisse, & attendentes etiā, sicut ad audiētiā nostram peruenit, quāq; eorundem operum lectio, & retentio ab vniuersis Christifidelibus maximè vitanda sit, nihilominus à pluribus, & ijs præsertim, qui vtriusq; Iuris scientiam profitentur, contra huiusmodi prohibitionem, dicti Caroli scripta, & Commentaria, sub varijs prætextibus, siuè illa examinandi, & expurgandi, siuè corrigendi, & emendandi, vt dicunt, siue etiam vt illis vtantur, in Iudicijs & decisionibus causarum, & alijs eorum descriptionibus frequenter legi, & retineri maximo cum eorundem, & aliorum animarum periculo, & sub his prætextibus varias licentias etiam à nonnullis Episcopis, & alijs locorum ordinarijs, & ab Inquisitoribus temerè ac de facto, & etiam quandoq; ab hac Sanctâ Sede, & à Venerabilibus Fratribus nostris S. R. E. Cardinalibus super Indice librorum prohibitorum deputatis, siue etiā interdū à Generalibus Inquisitoribus sub præcepto, vt non nisi expurgatis, & cunctis erroribus deletis vti possint, diuersimodè ab eisdem extortas, aut impetratas fuisse: Propterea pro nostra Pastoralis sollicitudine cunctorum Christifidelium animarū securitati, & saluti, quantum cum Dño possumus consulere, & nè ipsi Christifideles mali hominis praua doctrina & impietate fallantur, aut inficiantur, opportunè prouidere volētēs, pro potiori cautela, Motu proprio, & ex certa scientia, ac matura deliberatione nostris, hac nostra perpetuò valitura constitutione, omnia & quæcunq; prædicti Caroli Molinei Hæretici scripta, opera, & Commentaria, Beatorum Apostolorum Petri & Pauli, ac nostra auctoritate, de nouo perpetuò damnamus, reprobamus, interdicimus & anathematizamus, eorumq; lectionē & retentionē vniuersis & singulis Christifidelibus cuiuscunq; status, gradus, ordinis, conditionis, dignitatis, honoris, & præminentia, licet de illis specialis & indiuidua mētio habenda foret, existant, etiā sub excoicationis latæ sententiæ, alijsq; censuris, & pœnis in Indice librorum prohibitorum contentis, ac etiam suspicionis ipsius hæresis, quantumvis scripta, opera, & Commentaria ipsa, iam quouis modo fuisse expurgata prætendant, districtè perpetuò interdicimus & prohibemus. Et propterea omnes & quascunq; licentias quibusvis personis, tam ab ordinarijs locorum, quàm etiam ab ipsis Cardinalibus super dicto Indice deputatis, ac à nobis & Apostolica Sede quomodolibet concessas legendi, & retinendi libros eiusdem Caroli Molinei, etiam sub alio nomine inscriptos, vel expurgatos, cum non aliter quàm igne expurgari possint, reuocamus, cassamus, & annullamus. Inhibentes omnibus & singulis supradictis, nè de cetero huiusmodi licentias cuiquam concedant, vel impartiantur, Quinimò omnem facultatē concedendi huiusmodi licentias retinendi, vel legendi opera huius impij Auctoris, ex quacunque causa, & sub quouis prætextu, & colore

quibuscunque personis quavis auctoritate etiam Apostolica suffultis, & quacunque dignitate præditis, etiam ipsismet Cardinalibus super Indice librorum prohibitorum deputatis, ac supremis Inquisitoribus prædictis adimimus, eamque nobis & Successoribus nostris Romanis Pontificibus tantum referuamus. Cassantes insuper, & ex nunc irritantes quascunque licentias, etiam à Nobis concessas, & à Successoribus nostris Romanis Pontificibus respectiue concedendas, quæ manu nostra, aut Successorum prædictorum subscriptæ non fuerint. Per has tamen nostras literas non intendimus prohibere retentionem librorum Iuris Canonici, & aliorum Catholicorum Auctorum habentium additiones, seu apostillas, ut vocant, huius impij hominis, ipsis tamen additionibus, seu apostillis deletis, & emendatis iuxta censuram de mandato nostro nuper editam, & in Typographia Cameræ Apostolicæ impressam Romæ hoc Anno MDCII. cartis seu folijs xxiiij. distinctam, cuius initium, est, *Censura in omnes additiones, seu adnotationes marginales damnatæ memoriæ impij Caroli Molinei ad Textum Iuris Canonici, Commentaria Decij in Decretales, & Ius Civile, ad Consilia Decij, & Alexandri, & ad Dynum de regulis iuris, & Decium in titulo. ff. de regulis iuris*, Finis verò est. *Aliqua fortasse in præmissis, & consimilibus additionibus ab oculis nostris effugerunt, notatu & censura digna, quæ diligens lector animaduertens delere prorsus teneatur*. Postremo sub censuris & pœnis supradictis omnibus & singulis Christifidelibus per Apostolica scripta mandamus quatenus intra mensem à publicatione præsentium in locis per quæ eadem ad eorum notitiam peruenire possint, facienda computandum, omnia & singula scripta, opera, & commentaria prædicta Caroli Molinei realiter & cum effectu locorum ordinarijs, vel Inquisitoribus exhibeant & consignent, Ipsis verò locorum ordinarijs, vel Inquisitoribus, ut illa statim nulla interposita mora, aut expectata licentia, igne comburant, & comburi faciant. Ut autem præsentis nostræ literæ ad omnium notitiam facilius deueniant, & ne earum ignorantia quemquam excuset, volumus, & eadem auctoritate decernimus, ut earum transumptis etiam impressis manu alicuius Notarij publici subscriptis, & sigillo alicuius personæ in dignitate Ecclesiastica constitutæ munitis, eadem fides in Iudicio, & extra adhibeatur, quæ præsentibus ipsis haberetur, si essent exhibitæ, vel ostensæ, utque eadem præsentibus ad Valuas Basilicæ Principis Apostolorum, & in Acie Campi floræ affixæ, et publicatæ, omnes ita arceant, et afficiant, perinde ac si omnibus et singulis intimatæ fuissent. Quocirca venerabilibus Fratribus Patriarchis, Archiepiscopis, et Episcopis, ac alijs locorum ordinarijs, per eadem scripta mandamus, ut præsentium literarum transumpta in suis Ciuitatibus & Diocæses publicari, & obseruari curent, ac faciant, & contra inobedientes quoscunque ad declarationem incursum pœnarum & censurarum prædictarum irremissibiliter procedant. Non obstantibus constitutionibus, & ordinationibus Apostolicis, ac quibuscunque priuilegijs & indultis, ac literis Apostolicis in contrariu præmissorum quomodolibet concessis, confirmatis & approbatis, Ceterisque contrarijs quibuscunque. Datum Romæ apud Sanctum Marcum, sub Annulo Piscatoris, die 21. Augusti. M. DC. II. Pontificatus Nostri Anno Vndecimo.

M. Vestrius Barbianus.

Anno à Natiuitate D.N. Iesu Christi, Millesimo sexcentesimo secundo, indictione xvj. die verò xxvj. Mensis Augusti, Pontificatus Sanctiss. in Christo Patris, & D. N. D. Clementis Diuina providentia Papæ Octauij, Anno eius Vndecimo, Supradictæ Literæ affixæ, & publicatæ fuerunt in Valuis Basilicæ Principis Apostolorum de Vrbe, & in Acie Campi Floræ, ut moris est, per nos Laertium Ceccherum, & Catherinum Menandi Cursores.

Paulus Bartoccius Mag. Curf.